

Kanisa Mar Kristo.

Benard Ooko Kagaga.

Kanisa mar Kristo tarige dok chien nyaka ndalo mar Singruok Manyien, “Yogreuru gi mos mar jo maler. Kanise duto mag Kristo omosou” (Jo-Rumi 16:16). Ne ochake kod Kristo odiochieng mar Pentekosti bang tho mar Kristo, iga mar 33 bang tho Kristo “Eka jo ma norwako wachne ne obatisi: mi chieng’no nomednigi ji kar gana adek...ka gipako Nyasaye, kendo ka ji duto ne mor kodgi. To pile Ruoth ne medonigi jogo ma niwaro” (Tich-Joote 2:41, 47), ndalo machuok bang dum Kristo dok epolo. Kuom igni moko matin Kanisa ne odongo piyo ma opongo dala mar Jerusalem, kato piny Judea, piny Samaria kato piny mar Rumi te, kaka ne owacho ne jopuonjrene ni “unudok jonenona e Jerusalem, gi Judea duto, gi Samaria, kendo nyaka tunge piny...Mak mana ni nyaka usik e yie, kubet motegnoe mise ma ok oloku uweyo geno ma wach maber nokelonu; oseyal wach maberno ni chuech duto e bwo polo...” (Tich-Joote 1:8; Jo-Kolosai 1:23). En ywak marwa e piny mangima ni mondo ji duto oduog e Muma mar Jehova Nyasaye kendo mondo gitim gik moko mag Muma e yor Muma kendo luongo gige Muma kaka Muma oluongo gi nikech “Ka ng’ato wuoyo, mondo obed kaka ng’a ma wacho

weche rieko Nyasaye; ka ng’ato tiyo, mondo obed kaka ng’a ma tiyo gi teko ma Nyasaye ochiwo; mondo Nyasaye oyud duong’ e gik moko duto kuom Yesu Kristo...” (1 Petro 4:11) Wayie ni Yesu Kristo en wuod Nyasaye kaka Muma wacho ni “Yesu notimo ranyisi moko mang’eny bende e nyim jopuonjrene ma ok ondiki e kitabuni, to magi ondiki mondo uyie ni Yesu en Kristo, Wuod Nyasaye; kendo kuyie mondo ubed gi ngima e nyinge.” (Johana 20:30–31), kendo Muma en wach Nyasaye nikech “Ndiko duto mowuok kuom much Nyasaye, konyo kuom puonjo ji, kuom kwero gik maricho, kuom rieyo ji, kendo kuom tiego ji mondo gibed jo makare, mondo ng’at Nyasaye obed molony, kendo moikore chuth ni tich mabeyo duto.” (2 Timotheo 3:16–17), kendo Yesu Kristo biro duogo omo pinyruodhe koduoko ne Nyasaye Wuoro “Eka chieng’ giko nochopi, ka enochiw pinyruoth ni Nyasaye Wuoro, kosetieko loch duto, gi teko duto, gi nyalo duto.” (1 Jo-Korintho 15:24). Wajiwo bende kuom lemo ma adiera “Nyasaye...jo ma lame onego gilame e chuny kendo e adiera” (Johana 4:24), Ja-Kristo ka Ja-Kristo yalowach maber “Jo ma noke [Jo-Kristo] nowuotho ka gilando wach” (Tich-Joote 8:4), Ja-Kristo nyaka dag enigma makare kendo maler “Nikech

Ng’wono mar Nyasaye, ma kelo warruok ni ji duto, ofwenyore. Opuonjowa mondo wadagi richo gi gombo mag piny, wawuoth kwaritore, kendo wabed makare, kwaluoro Nyasaye e piny mar ndaloni.” (Tito 2:11–12), nyaka her jowadgi (Johana 13:34–35), Kendo nyaka kony jogo man kod chandruok kendo ni kod dwaro nimar “Lemo, maler kendo ma onge mbala e nyim Nyasaye Wuoro, e ma: rito nyithi kiye gi mond liete e chandruokgi, kendo ritore maler ni piny.” (Jakobo 1:27). Wayie ni Muma puonjo ni jaricho iwaro mana ka opuonjore kuom Kristo “Giduto...nopuomjgi.’ E momiyo ng’a mosewinjo Wuoro, kendo osepuonjore kuome, e ma biro ira” (Johana 6:45; 3:16), kato oyie kuon Kristo “Dhiuru e piny duto, uyal wach maber ni ji duto” (Mariko 16:16) mit kato olokore oweyo richone nekech Yesu Kristo “Lokuru chunyu...” (Tich-Joote 2:38), kato ofulo Nying Yesu Kristo kaka Ruoth kod dhoge owuon “Ayie ni Yesu Kristo en Wuod Nyasaye” (Tich-Joote 8:36-38), kendo obatise ei Kristo Yesu “, kendo obatisu uduto e nying Yesu Kristo, mondo richou owenu;” (Tich-Joote 2:38). Kanisa mar Kristo, chenro mare kuom ritruok en, Jodongo, Jokony mag gi, Joyalo kod Jo-Kristo mamoko, mana kaka ndalo mag Singruok Manyien “wandiko ni jo

maler duto man Filipi, man e Kristo Yesu, kaachiel gi jong'I kanisa gi jokony kanisa" (Jo-Filipi 1:1). Oonge kod chenro maduong mokalo kanisa achiel Kanisa mar Kristo ongere maber kod dwaro mare mondo ji odog obed Jo-Kristo ebwo Singruok Manyien kaka Jo-Kristo to kendo dwaro mare mondo ji obed Kanyakla kaka jo-Kristo ei ringruok achiel "To owetewa, asayou kuom nying Ruodhwa Yesu Kristo, ni uduto wachouru gimoro achiel, eka mondo pogruok obed maonge e kindu; to mondo uriwru chuth kuom paro achiel, kod ng'ado bura achiel" (1 Jo-Korintho 1:10).

Wayie ni Singruok Manyien e chik kuom yie kod gik moko ma watimo eweche mag lemo. "Tekre Nyasaye osemiyowa gik moko duto mowinjore ningima g luoro Nyasaye, komiyowa ngeyo Jal ma noluongowa kuom duong'ne gi berne." (2 Petro 1:3), kendo wach Nysaye nyaka chiw thuolo kod teko kuom gik moko duto ma watimo kuom wach mar lamo "Gimoro amora mutimo, gi wach kata gi tim, timuru duto e nying Ruoth Yesu, kugoyo erokamano kuome ni Nyasaye Wuoro." (Jo-Kolosai 3:17) "...ka ng'ato nimed ni wechegi [weche me Muma] Nyasaye nomedne masiche mondik e kitabuni [e mMuma]. Kendo ka ng'ato nogol kuom weche mokor manie kitabuni, Nyasaye

nogol pokne kuom yadh ngima, kendo kuom dala mondik e kitabuni" (Fweny 22:18–19). Omiyo watemo kod yore te mondo walu Singruok Manyien. Waonge kod kiawa ni bedoe achiel kuom wach Nyasaye nyalore e odiechieng achiel mar pogruok ka waluwo thor mar Singruok Manyien ka waketo parokod puonj mag dhano thenge. Eyo machiek, Kanisa mar Kristo dwaro mondo obed mana Kanisa achiel ma isomo ei Singruok Manyien. Wadwaro mondo waduog puonj makare mar Muma, tije mag Kanisa, en owuon kendo kinda mare.

Kanisa mar Kristo (Kalamindi)

Po Box 192-40302 Ndhiwa Kenya

www.kalamindi.chofchrist.org

www.walkworthy-

benardkagaga.blogspot.com

Kata gonwa simu

0715903057

0751027617